

Gátlisti fyrir skóla þar sem er trans barn

- Gott er að eiga fund með foreldrum/forráðamönnum og tryggja að allir séu meðvitaðir um stöðu og þarfir barnsins sem og úrræði og fræðslu sem standa til boða.
- Mikilvægt er að veita foreldrum/forráðamönnum stuðning og leggja áherslu á styrkleika barnsins og jákvæðar breytingar á því.
- Mikilvægt er að virða nafnaval nemenda og kynna það fyrir öðrum nemendum og starfsfólki skólans. Mikilvægt er að allt starfsfólk og aðrir sem að barninu koma séu meðvitaðir um nafn þess.
- Mikilvægt er að temja sér notkun á þeim fornöfnum sem barnið kýs (t.d. hann, hún, hán).
- Gott er að breyta nafni barnsins í Mentor og/eða þeim kerfum sem skólinn notar og tryggja að öll skjöl séu skráð með réttu nafni (valnafni) barnsins.
- Mikilvægt er að styðja kyntjáningu barnsins og veita því frelsi til þess að tjá kynvitund sína.
- Ekki gera ráð fyrir ákveðinni hegðun frá nemandanum sem byggjast á kyni hans, t.d. að trans stelpa falli algjörlega að hugmyndum um kvenleika. Trans börn eru með fjölbreytta kyntjáningu, rétt eins og sís börn.
- Vertu tilbúin/n/ð að styðja við upplifun og tjáningu barnsins, ekki setja spurningamerki við hana eða reyna að stýra henni, jafnvel þó að hún taki breytingum.
- Gott er að fá fræðslu fyrir starfsfólk um trans börn.
- Gott er að fá fræðslu fyrir nemendur um trans börn.
- Gott er að halda fund með forráðamönnum bekkjarsystkina barnsins til þess að upplýsa og fræða aðrar fjölskyldur um málefni trans fólks og styðja við umræður sem eiga sér stað í skólanum.
- Gott er að eiga upplýsingafund með starfsfólki frístundamiðstöðvar ef barnið sækir slíkt.
- Tryggðu að nemandinn sé öruggur í öllum aðstæðum og rýmum skólans. Ef svo er ekki þarf að skoða hvað veldur óörygginu og ráðast í breytingar, hvort sem það snýr að t.d. skipulagi skólans, hegðun starfsfólks /nemenda eða námsefni.
- Tryggðu aðgang að kynhlutlausum salernum og skiptiaðstöðu, jafnvel má breyta þeirri aðstöðu sem fyrir er, en leyfðu barninu að velja aðstöðu sem það telur best henta sinni kynvitund.
- Kynntu þér hvað tvíhyggjukynjakerfi er og áhrif þess á bæði sís og trans fólk.
- Mikilvægt er að fjalla um fjölbreytileika kyns og trans fólk við samnemendur barnsins. Nefna þarf breytingar á stöðu barnsins, valnafn þess og fornöfn.
- Mikilvægt er að setja sér stefnu um núllþol gagnvart neikvæðri og niðurlægjandi notkun á hugtökum sem tengjast trans (og öðru hinsegin) fólki. Ræddu það við nemendur, áhrif slíkrar orðanotkunar og legðu áherslu á hvernig nemendur geti stutt við bakið á þeim sem verða fyrir slíku.
- Forðastu að kynja nemendahópa: Talaðu frekar um nemendur, börn og krakka en um stelpur og stráka.